

## OFFICIAL

Jiraataa  
126 and 130 Racecourse Road  
FLEMINGTON

### Kabajamoo jiraatoo

Waa'ee adeemsa Ijaarsa Mana Jireenyaa Gurguddaa Hooms Viktooriyaa fi sagantaa irra deebiin misoomsuu sadarkaa olaanaa isin beeksisuuf isiniif barreessaa jirra.

Sadarkaan itti aanu bakkoota 7 irratti adeemaa jira. Kana jechuun mana jireenyaa fooyya'aa, nageenya qabuu fi mijataa ta'e jiraattota ammaa fi gara fuulduraatti naannoo magaalaa 9 keessa jiraataniif qopheessaa jirra jechuudha.

Beeksisni har'aa kun manneen olka'oo naannoo keessanii irratti dhiibbaa kan uumu yoo ta'u, jiraattota kana waliin yeroo hunda wal qunnamna. **Gamoo yookiin mana keessanirratti dhiibbaa hin qabu.**

### Har'a maaltu labsame?

Har'a, waa'ee gamoowwan kanneen deebisanii ijaaruu irratti jiraattota waliin haasofne:

- 25 fi 27 Kiing Stiriit, Piraan
- 150 Inkerman Stiriit, Sent Kildaa
- 150 Viktooriyaa Aveenuu, Albert Paark
- 159 Melrooz Stiriit, Noorz Melboorn
- 29 Kraawun Stiriit, Flemingtun
- 94 Ormoond Stiriit, Kensington

**Adoolessa 2026 irraa eegalee hanga Guraandhala 2028tti**, adeemsa deebisanii misoomsuu kana keessatti miseensota maatii kana gara manneen mijatootti dabarsuuf walitti dhiheenyaan hojjenna.

### Manneen haaraa naannoo keenyatti ijaaraa jirra

Filannoo qubsuma jiraattota kanaa deeggaruuf manneen jireenyaa haaraa qulqullina qabu duraanuu naannoo sanatti hojjetamaa jiru. Kanneen bara kana keessa xumuraman yoo ta'u kanneen armaan gadii dabalatu:

- Esseks Stiriit, Piraan
- Baraak Beeken, Poort Melboorn
- Saymens Stiriit, Saawuz Yaaraa
- Hooland Koort, Flemingtan

Manneen kanneen ho'uu fi qabbaneessuuf salphaa akkasumas, namoota fedhii sochii qabaniif mijataa, nageenya, ifaafi afarsituu qilleensaa fooyya'aa akkasumas barandaa fi kutaa miiccaa dhuunfaa kan qabanidha.

## Ollaa keessanitti

Godaansa isaanii xumuruuf maatii muraasa hafan **12 Hooland Koort fi 120 Reeskoors Rood** irratti deeggaraa jirra. Diigiinsa jalqabuuf osoo qophaa'aa jirruu, jiraattonni manneen haaraa keessatti maal arguu akka barbaadan yaada isaanii ilaalaa jirra. Mul'anni kun manneen haaraa qulqullina qaban naannoo dizaayinii gaarii qabuu fi walitti hidhamiinsa gaarii qabu keessatti argama. Hojii kamiinuu dura wal arguun maal fi yoom hojjechuuf akka karoofannee irratti ni mari'anna, akkasumas odeeffannoo quunnamtii faayidaa qabu ni kennina.

Gama biraatiin, manneen haaraa fi meeshaaleen hawaasaa misooma Holland Court keessatti bara kana xumuramuu kan qaban yoo ta'u, yeroo dhiyootti dizaayinoota paarkii giddugaleessaa haaraa iskuweer meetira 5000 qabuu fi bara kana xumuramuu qabu isiniif qoodna.

## Waa'ee sagantaa deebisanii ijaaruu

Manneen olka'oon durii Melboorn manneen haaraa sadarkaa ammayyaa mijataa, dhaqqabummaa fi anniisaa qusachuu guutaniin bakka bu'u.

Gamoowwan kana irra deebiin misoomsuun jiraattonni ammas ta'e gara fuulduraatti mana nageenya qabu, mijataa fi fedhii isaaniif malu keessa jiraachuu akka danda'an mirkaneessaa jirra.

Deebisanii qubachuun kana booda hanga Amajjii 2028tti hin jiraatu.

## Nu waliin turuudhaan odeeffannoo haaraa argadhaa

Manni keessan qaama sagantaa irra deebiin misoomsuu sadarkaa olaanaa kanaa miti, garuu jijjiirama naannoo keessan keessatti ta'aa jiru hubachuu dandeessu. Sadarkaa pirojaktichaa hundaatti odeeffannoo haaraa isiniif kennuuf isin waliin jirra.

Akkasumaswaan naannoo keessanitti ta'aa jiru ilaaluuf marsariitii keenya [homes.vic.gov.au](https://homes.vic.gov.au) dawwachuu akkasumas odeeffannoo haaraa argachuuf galmaa'uu dandeessu.

Kabajaa wajjin

search **homes victoria**



[homes.vic.gov.au](https://homes.vic.gov.au)



**Simon Newport**

Hojii Gaggeessaa Olaanaa

Hooms Viktooriyaa

28/01/2026

search **homes victoria**



**homes.vic.gov.au**

